

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

GIZARTE POLITIKEN SAILA

Foru Gobernu Kontseiluaren 742/2019 Erabakia, azaroaren 19koa. Onestea Gizarte Ongizaterako Foru Erakundearen zerbitzuan ari diren langileen ordainsari orokorrak ehuneko 0,25 handitzea 2019ko uztailaren 1etik aurrera

Ordainsariei dagokienez hauexek dira funtzio publikoan indarrean dagoen lege araubideak arautzen dutenak: Enplegatu Publikoaren Oinarrizko Estatutuaren Testu Bategina onesten duen urriaren 30eko 5/2015 Legegintzako Errege Dekretua; Euskal Funtzio Publikoaren 6/1989 Legea; haiek garatzen dituzten hainbat arau eta, bereziki, Euskal Administrazio Publikoetako Funtzionarioen Ordainsarien uztailaren 30eko 207/1990 Dekretua.

Arau horiekin bat etorritik, oinarrizko ordainsarien (soldata, hirurtekoak eta aparteko ordainsariak) zenbatekoa Estatuko aurrekontu orokorren legeak zehazten ditu, destino-osagarriaren zenbatekoa Euskal Autonomia Erkidegoko aurrekontuen legeak, eta berariazko osagarria eta ordainsari osagarriak Euskadiko administrazio publikoek.

Abenduaren 21eko 24/2018 Errege Lege Dekretuaren bidez, sektore publikoaren eremuko ordainsarien arloan presako neurriak onetsi ziren.

Aipatutako errege lege dekretuak adierazten du zioen azalpenean 2018rako Estatuko Aurrekontu Orokorren luzapen automatikoak, Konstituzioaren 134.4 artikuluan jasotako aurreikuspena aplikatuz, berarekin ekarriko lukeela sektore publikoaren zerbitzura diharduten langileen ordainsariak ezin izatea 2019ko urtarrilaren 1etik aurrerako ondorioekin, eta honako hau ezartzen du 3.2 artikuluan:

“2019an, sektore publikoaren zerbitzura diharduten langileen ordainsariak ezin izango dira 2018ko abenduaren 31n indarrean zirenak baino ehuneko 2,25 baino gehiago gehitu. Lansari horiek homogeneousotasunaren arabera kalkulatu dira erkaketaren bi aldietarako, hala langileei nola haien antzinasunari dagokienez, eta ondorio horietarako ez dira kontuan hartuko gizarte ekintzako gastuak, zeinak, oro har, ezin izango baitira gehitu 2019an, 2018koekin alderatuta. Horri dagokionez, irizten zaio gizarte ekintzako gastuak onurak, osagarriak edo hobekuntzak direla, ez daukatenak zerikusirik egindako lanaren kontraprestazioekin, zeinen xedea baita zenbait premia asebetetzea, sektore publikoaren zerbitzura diharduten langile horien gorabehera pertsonalen ondorioz.

Horrez gain, barne produktu gordinaren gehikuntza (BPDd) ehuneko 2,5era edo gehiagora iritsiko balitz prezio konstanteetan 2018an, 2019ko uztailaren 1etik aurrera soldata beste ehuneko 0,25 igoko litzateke.

Apartatu honetan xedatutakoaren ondorioetarako, BPGd-a igotzeari dagokionez, kontuan hartuko da Estatistikako Institutu Nazionalak (INE) urte bakoitzean argitaratutako BPGd-aren aurrerapen estimazioa. Behin INEk BPGd-aren aurrerapena argitaratu ondoren, eta enplegu publikoa eta lan baldintzak hobetzeko 2018ko martxoaren 9ko jarraipen batzordeari jakinarazita, Ministro Kontseiluaren erabaki bidez onetsiko da, hala badagokio, igoera aplikatzea. Autonomia erkidegoei, herri autonomoei eta Udalerri eta Probintzien Espainiako Federazioari erabaki horren berri emango zaie.”

Foru Gobernu Kontseiluaren ekainaren 25eko 419/2019 Erabakiz, onespena eman zitzaion Gizarte Ongizaterako Foru Erakundearen zerbitzura diharduten langileen ordainsariak ehuneko 2,25 igotzeari, 2018ko ekitaldian ezarritakoekin alderatuz.

Estatistikako Institutu Nazionalak, 2019ko ekainaren 5ean, egiaztatu du, ezen, Espainiako hiru hilean behingo kontabilitate nazionalaren eragiketaren emaitzen arabera, 2018ko BPGd-aren aldaketa tasa 2017koarekiko ehuneko 2,58 dela bolumenari gagozkiolarik. Zifra horrek eragiten du nahitaez aplikatu behar izatea ehuneko 0,25eko balio handitzearen aldagarria enplegatu publikoen ordainsarrietan; gainera, Ministroen Kontseiluak beste ehuneko 0,25eko gehikuntza onetsi du sektore publikoaren zerbitzura diharduten langileen ordainsarrietan, eta horrekin batera soldata eta hirurtekoei dagozkien ordainsari taulen zenbatekoak egokitu dira.

Ordainsarien eta luzapenari loturiko bestelako alderdien gaineko 2019ko ekitaldirako premiak neurriei buruzko otsailaren 14ko 2/2019 Legearen 2.4 artikulua:

“baimena ematen zaio Gobernu Kontseiluari, Ogasun eta Ekonomia Sailak eta Gobernantza Publiko eta Autogobernu Sailak proposatuta, Euskal Autonomia Erkidegoko sektore publikoko langileen ordainsari-araubidea egokitzeko eta garatzeko, 2019ko ekitaldian sektore publikoko langileen gastuei dagokienez indarrean dauden oinarriko baldintzen arabera.”

Gobernu Kontseiluaren 2019ko irailaren 10eko erabaki baten bidez, destino-osagarria 2019ko uztailaren 1etik aurrerako ondorioekin eguneratzea zehazten da.

-“Langileen kudeaketaren arloan, indarrean jarraituko dute, aplikagarriak diren heinean, Arabako Lurralde Historikoaren 2018ko ekitaldiko aurrekontua gauzatzeko abenduaren 22ko 21/2017 Foru Arauak V. tituluan jasotako aurreikuspenak.”

Foru Arau horren 25.1 artikulua, halaber, hau xedatzen du:

“Arabako Foru Aldundiko, foru erakunde autonomoetako eta foru sozietate publikoetako eta foru fundazioetako langile funtzionarioen eta lan kontratudun langileen 2018rako ordainsari osoak gehitu egingo dira Foru Arau honetan ezarritakoarekin bat, 2017ko abenduaren 31n indarrean zirenen aldean. Ordainsari horiek homogeneotasunez kalkulatu dira eraketaren bi aldietarako, hala langileei nola haien antzinasunari dagokienez, eta, betiere, Estatuaren oinarriko legedian ezarritako mugak gainditu gabe.”

Aurrekontu zuzkidura nahikoa dagoenez gero, bidezkoa da Gizarte Ongizaterako Foru Erakunde lan egiten duten langileen ordainsariak ehuneko 0,25 handitzea 2019ko uztailaren 1etik aurrerako ondorioekin.

Bat etorri urriaren 30eko 5/2015 Legegintzako Errege Dekretuaren, enplegatu publikoaren oinarriko estatutuaren legearen testu bateratua onartzen duenaren, IV. kapituluaren aurreikusitakoarekin -uztailaren 6ko 6/1989 Legearen, euskal funtzio publikoarenaren, VI. tituluan xedatutakoarekin lotuta-, bete da legegintzako errege dekretu horrek 37. artikuluan aipatzen duen nahitaezko negoziazioa.

Bat etorri Gizarte Ongizaterako Foru Erakunde Autonomoaren egitura eta funtzionamendu arautegia onesten duen Diputatuen Kontseiluaren apirilaren 3ko 25/2012 Foru Dekretuaren 11.g) artikuluan xedatutakoarekin, Gizarte Politiken Saileko foru diputatuaren zeregina da, erakunde autonomo horren administrazio kontseiluko lehendakari den aldetik, Lehendakaritza Sailarekin koordinatuta, Gobernu Kontseiluari urtero proposatzea erakunde horri atxikitako langileen ordainsari araubidea eta soldata baldintzak aplikatzeko.

Era berean, Gobernu Kontseiluari dagokio foru administrazio honetako langileen lan baldintzak zehaztea eta onartzea, halaxe xedatzen baitute Arabako Foru Aldundiaren antolaketa, funtzionamenduari eta araubide juridikoari buruzko abenduaren 18ko 52/1992 Foru Arauak, 178 artikuluan, eta ekonomia jardueren eta deszentralizatutako foru zerbitzua publikoen kudeaketari buruzko urriaren 30eko 15/1987 Foru Arauak, 9. artikuluan.

Horregatik, Gizarte Politiken Saileko foru diputatuak proposatuta, eta Gobernu Kontseiluak gaur egindako bilkuran gaia aztertu eta gero, hau

XEDATZEN DUT

Lehenengoa. Gehitzea Gizarte Ongizaterako Foru Erakundearen zerbitzuan ari diren funtzionarioen oinarritzko ordainsariak eta osagarriak ehuneko 0,25, 2019ko uztailaren 1etik aurrerako ondorioekin.

Bigarrena. Erabaki honen aurka administrazioarekiko auzi errekurtsua jarri ahal izango da, argitaratu eta hurrengo egunetik hasita bi hilabeteko epean, Gasteizko Administrazioarekiko Auzietarako Epaitegian, edo, nahi izanez gero, berraztertze errekurtsua, hilabeteko epean, ebazpena eman duen organoaren beraren aurrean; hori guztia honako hauek xedatutakoaren arabera: Administrazioarekiko Auzien Jurisdikzioa arautzen duen uztailaren 13ko 29/1998 Legearen 46.1 artikulua eta Administrazio Publikoen Administrazio Prozedura Erkidearen urriaren 1eko 39/2015 Legearen 123. artikulua.

Gasteiz, 2019ko azaroaren 19a

Diputatu nagusia

RAMIRO GONZÁLEZ VICENTE

Gizarte Politiken Saileko foru diputatua

EMILIO SOLA BALLOJERA